

寧波府志
(雍正)
五

寧波府志卷之二十四

寧波府知府富平曹秉仁纂修

孝義

兩漢取士首重孝廉孝固百行之原矣記曰居處不
莊非孝也事君不忠非孝也涖官不敬非孝也朋友
不信非孝也戰陣無勇非孝也是凡世所云慕義好
善之爲莫非推本於孝吾寧遠在海邦然以孝義著
稱者代有其人今

皇上躬行大孝以化天下親遜成風以是蒸蒸丕變太史

公稱巖穴奇行之士使人聞風而興起者其在斯歟

志孝義

漢董黯

字叔達鄞人江都相仲舒六世孫家貧早失怙事母盡孝母疾嗜大隱溪水遠不能常致黯築

室溪濱板輿就養疾遂瘳隣王寄家富縱酒無行二母相見各言其子寄聞而銜之伺黯出毆其母黯還而母在床黯跪請曰黯不孝致母之憂乎曰非也我失言致王寄辱耳後竟不起黯哀毀負土以葬廬於墓枕戈不言俟王母卒畢葬事乃斬寄首祭母墓自囚以告有司事聞和帝詔釋其罪且旌其異行召拜郎中不就由是以慈名溪以溪名縣宋祥符間錫號純德徵君建炎初邑令林叔豹立祠慶元二年令朱堂倡祀之明洪武四年封爲董孝子之神命有司每歲六月六日祀之今郡城南有廟卽其故居

唐張無擇

字君選慈谿人永隆初由進士舉間經調醴泉尉改汴州叅軍會李勣起兵無擇從李

孝逸將兵討之贊畫有功遷華陰令屬羅織獄起無擇每以恤民爲已任未嘗私附朋黨民賴以寧監察御史郭翰薦於朝召爲司刑丞轉司農卿適魏元忠與張昌宗廷辯獲罪無擇上疏申理元忠之枉張易之惡之謫嶺表移饒州刺史丁內艱尋刺和州丁父袁州司馬敘憂奉喪歸里葬於邑之虎胛山負土結廬墓以壽終宋嘉定十四年邑令趙崇遂附祀於董孝子廟至明以董孝子祠於鄞而以無擇專祀焉

宋史詔

字升之鄞人父冀國公簡母冀國夫人葉氏遺腹子也願秀豐下少有立志嘗與豐清敏舒中

丞受業於鄉先生樓郁以孝行聞遇大比輒引避嘗曰無母氏之節已無史氏矣誓終身母子不相離或曰所薦所以榮母也詔曰朝廷設科思得其用敢竊爲已榮耶設與計偕則初志爽矣况忘親欺君士君子所不爲也大觀二年詔舉八行鄉人以詔應命遂與母避於縣東大田山郡守迹所往迫使就道誓不

至沙月言

卷二十二

起鄉人稱為八行先生後

孫浩貴累贈太師越國公

楊慶

鄞人父病貧不能名醫乃割股肉啖之又常割肝及乳為親饋者五最後母病不能食慶取右乳燒

灰和藥以進入口遂瘥久之乳復生每勝日輒以籃

輿載母禱於阿育王山宜和三年郡守樓異聞於朝

不報遂名其坊曰崇孝紹興七年

守仇念申前請十二年詔旌其門

李宗質

字文叔先濮州人文定廸裔孫母展氏罹靖康之亂母子相失者十餘年宗質求之不已行次

江州水南市中得之遂奉以還居鄞之石塘色

養者二十餘年樓鑰銘其墓楊萬里為之傳

孫之翰

字文舉慈溪人少志學天性孝友母病劇割體取用為粥以進越夕母如醉自醒乃底於寧里

人以其事上於郡守趙伯圭將聞於朝之翰

曰本心救母他無所觀力止之卒葬五磊山

方昌

慈谿人軫之孫性至孝母病劇或告以人肉可療輒禱天割股和羹進母果効里人異之白於官既

沒爲之立祠
名孝慈庵

張超

定海人自幼仁孝年十九父瑩患氣疾甚懇禱無效乃到脇取肝煮粥以進不踰日父愈乾道二年

守趙伯圭舉楊慶例命縣優卹嘉泰四年令葛洪與復其家封植其父母墓禁樵採焉

吳璿

定海人母宋氏臥疾且劇璿封股療之而愈璿妻楊氏亦遭疾男安禮安時皆封股以進安禮且至

再郡守李沐狀其事於朝嘉定三年詔長吏常加存卹郡命縣令王伯揆建崇孝門旌之

袁鎮

奉化人事親奉養備至雖顛沛不廢溫清端午初

進父病垂絕復存者十有五年異母兄有虐之者友事益謹孝弟之稱無間戴表元爲作遷祔記以表其行

朱日新

定海人母病劇日新封股以進

石孝子

四明山農也家世貧賤古屋數楹隱隱叢薄中

兄出母無侍養者幸往依女氏待兄之歸母諾其女

氏家去母甚邇孝子謂母可卽至竟行後二日歸首

過女氏而母未嘗至也孝子卽心驚倉皇抵舍忽見

壁間一巨竇視之則虎子三據其榻處爲穴孝子知

母已葬虎腹卽大慟盡殺虎子復磨一斧立竇內頃

之母虎循竇入卽斫其首碎之取肝腦磔諸庭復大

慟以斧指天曰吾雖殺四虎而母讎未足報也乃更

迹杜虎所行路持斧阻崖石待之杜虎果咆哮過崖

下孝子奮而前當虎首連斫數斧卽斃孝子亦隨死

僵立不仆張兩目如生而手所持斧獐不可奪鄉隣

走吊咸凜凜欲亡去獨嘗

捕虎者相率拜祭而神之

元陳汝楫

字傳巖象山人事親至孝親沒未葬隣家失

火將及柩家人爭負筐篋乃與妻徐氏伏柩

號慟誓不獨存旣而風返火熄柩乃獲全人皆驚歎

史官王子充作傳記之從弟汝舟疾且死以幼子爲

托汝櫬泣曰而子卽吾子忍異視耶
育其子長爲娶婦以其遺物畀之

華昭

鄞人生未晬父亡母沈氏家貧不能自存父母欲
奪其志誓死弗許勤紡績以教育其子後疾亟昭

尚幼刻意茹素禱之弗瘥乃露禱於天封左股作糜
和藥以進母愈至正十年尹許廣大書節孝字表
其門後沈氏壽七十七昭亦能卓立爲鄉人所重溫
州路總管劉仁本爲之傳稱其節孝萃於一門云

夏永慶

字章甫定海人大德中侍父文德轉粟京師浮
海而北舟抵海鹽鎮易小舟盤載喧呼雜蹂文

德顛仆溺水永慶震駭號天沒入洪濤戴父出波面
舵工提戟鉤其衣父賴不死永慶力不能支竟沉其

後諸弟傷之益以孝義維其家居同室食同爨
至正十三年有司上於朝旌其門曰孝義之門

陳鑄

字象之奉化人叔父紹庭早喪無嗣鑄生甫期月
叔母汪氏子之旣長篤學痛其母早寡而節行無

聞乃訴諸有司請於朝得蒙旌異先是故居燬於火
奉母寓居於鄞至正壬辰海寇猖獗賊舟東宿渡登

岸焚掠居民逃竄適鑄歸省生母樓氏年老而瞽兄
錡他出鑄驚懼無所措樓之姪孫瑜在側泣謂曰我
母汝祖姑也我欲獨負力不能勝盍共舁之瑜曰事
急矣不脫鞵帽舁之而走走入九里汗流氣喘抵裘
氏家宿母子相顧且喜且泣遂得俱全於難鄉人莫
不稱羨鑄尤精於鍼砭凡負疾求療者輒治之不責
其報云

唐轅唐轂

鄞人父復禮以擅匿官鹺事被陷逮赴京轅

其情脫父桎而桎之行越州轂適自杭回遇諸途
挽轅之袂哭曰兄爲冢子宗嗣所托不可以死弟請
代兄行轅不從轂給之曰兄訥於言往必不免弟有
一計可生幸無苦竟奪其桎加已手吏亦憫而從之
轂抵京繫獄旬日近
臣奏其非罪得免

周鉄

象山人性至孝父母亡哀毀骨立旣瘞築廬於山
與觀墓相而郡守胡渠爲之立碑旌其廬曰思孝

鈞四世孫熙以博學除夔州教諭母老乞歸養母疾衣不解帶母卒效祖鈇遺風結廬墓側郡守旌曰風木兩廬鈇十七世孫良眉終身孺慕亦以孝稱寇犯境父被執將刃之良眉願以身代寇感而釋焉

羅世華

字明遠弟世英字明傑弘惠字明德天錫字明純世昌字叔明慈谿人一氣偕老五世四居至

正二十四年有司上其事於朝旌其門曰同居耆德羅氏之門學士宋濂爲作五老圖記

明許敬觀

明州衛兵也事母至孝一日拉十兵駕舟販鹽至郡江北渡忽暴風雷電擎舟人上泥塗

衆皆震死敬觀昏絕默念我死毋將誰依如有人援之去衆死所三丈許而甦雷火燎髮如禿人以爲孝

行之報

盧顯盧敬

鄞人父祥卿嘗隸金陵尺籍洪武初以其世職漕運命督造海運船已而船破運折坐侵

漁逮獄將就戮其二子顯敬匍匐詣闕請代顯泣訴曰督造雖臣父名而侵漁實臣顯臣罪當死敬曰兄

顯佐父周旋運事造船之謀臣敬獨知之臣罪當死
帝矜之廉得其寃遂兩釋焉祥卿竟以賢良舉於朝
授四川彭水知縣九載考績坐註誤謫戍雲南左衛
顯復哀訴乞代帝曰真孝子也祥卿有子如是可冠
帶寧家既歸與伯兄雲卿相友善有古棠棣風
立義塾延師儒以教鄉人捨田學宮鐫名於石

黃夢麟

字用澤弟夢熊字用強鄞人祖聲甫宋太學生
以文鳴夢麟兄弟克紹家學平居義讓家貧養
母雖甘旨弗充菽水之歡藹如也洪武十五年夢麟
舉明經爲郡庠訓導夢熊中洪武五年鄉試計偕天
官辭歸杜門力學後辟授昌國訓導
改慈谿復調善化皆能成就後學

陳敬

奉化人年十三隨父入山樵採虎攫其父敬卽攘
臂奮擊之虎舍其父攫敬而去父尸獲全而食敬
於青桐樹下血洒沾樹樹爲
之枯故名其地爲枯桐坑

葉宗可

鄞人登張信榜進士尋署刑部侍郎未幾以父
老乞侍養歸辟爲郡庠訓導適父就戍宗可白

於當道求以身代父得考終於家知者重其孝行薦授國子學錄陞助教師道尊嚴剛介有守祭酒司業而下莫不敬憚之

李孝謙

弟悌謙忠謙鄴人仕開之子也仕開操履方正鄉曲有爭必往質之當元季四方繹騷閉門不妄交惟善武林楊彝陸德賜金華戴良永嘉高明慈谿胡舜咨令子弟稟學焉三子皆孝友根於天性依依親側兄弟怡怡孝謙十歲知綴文二弟尤明銳嗜學親察蹙額聚謀分走東西求醫藥旦夕迭侍床下親食後食不食終弗御匕箸母得末疾卽禱以身代洪武初郡國例造戰艦官以仕開富室在衆編戶成之旣成使者驗艦苦窳坐法送讞秋官時孝謙弱冠請代父囚曰父老我壯宜往悌謙甫十八已爲從伯齊賢後曰兄素多疾弗能任勞願留養親我當往使者恐其非情兩械之而偵其所以兄弟終不易辭遂囚其長者孝謙至秋官論輪作都門艱險備嘗凡二閱歲會赦免歸居十年仕開又以富室主料量米耗

法當大辟忠謙生十九年卽荷械詣官曰盜米者囚
罪在囚身幸釋老父官寃其氣貌許之有旨免死黥
而戌竟沒遼東父卒二子號哭幾絕者數四先後太
守王璉魏宗皆舉孝謙明經辭以母老乞終養通判
廖閏縣令莫廸郡博士鄭深道並薦之辭如前母喪
二子哀毀如喪父永樂十七年詔天下纂修圖志太
守汪煊起孝謙總裁郡乘書成而卒後七年悌謙亦
卒孝謙性仁厚遇單寡者必賑給隣有臥疾晨往問
之以錢十緡置枕傍而去冬雪見寒士衣不掩胷解
衣爲贈歲大祲斛米可易金二十四銖乃曰吾豈乘
時射利者耶環宅種竹夜遇盜笋者縱之去而採笋
置於籬外悌謙勁峭不阿面折人過人亦服其公

樂枅

定海人良之子家本亭戶籍官枅承其役洪武十

二年以亭戶大家皆罔上賊下遣使徧覆各倉鹽
有損常數者悉逮赴京鞠訊咸承罪坐輪作枅亦在
逮中方治行其弟稅願代往枅曰此行生死未可知
吾有三子爾尚無後不可往稅又詣縣請代枅白於
官曰枅名既不可易且服力鹽事皆枅也稅罔知聞

使被鞫失對奈何縣因不敢遣枌行一舍許稅又追及之枌叱之去不聽卽乘坵垣以塊提稅稅蔑枌心不可回始慟哭而返次年枌果死京獄學士烏斯道爲之立傳族弟平其父亦被逮平願代父往不允勸父飲酒沉醉重賄獄吏竟行與枌同死獄中孝友萃於一門鄉人嘖嘖稱歎焉

謝矩

字原規鄞人與兄員俱好學矩以父命爲人後員以諸生辟郡從事轉臬緣後坐事謫戍涼州矩常

裹糧走萬里資送終身不衰後以例籍父及妻子俱赴戍所獨矩以別籍免矩曰奈何使父與嫂姪獨困苦耶力請與偕抵吳門父以憂憤病死矩哀毀幾絕或勸之火輒號泣不忍權厝柩於旅舍相嫂姪抵京師適遇例家屬放還遂復至吳門迎櫬歸葬明年兄歿戍所矩又間關數千里函骨歸附先塋撫其遺孤益至薦紳大夫高其行因扁其堂曰孝義云

俞敏德

字謙鳴定海人父彥華赴京聽選至高郵病故母在家亦故敏德甫九歲力不能支日拊柩號

泣聞於邑令令爲給費貸以夫船始得扶柩以歸及
長不樂仕進於三山建永思堂環植以竹哀慕不替
有司屢以材薦以祿不逮親罔辭不就號曰竹所先
生享年一百五歲曾孫愷性至孝穎敏嗜學年十四
遭父繫獄愷泣懇於郡守試以五文頃刻而就父遂
得免長益肆力經史操持清潔當歲貢辭不就曰吾
得日對聖賢課子孫績學足矣後輩尊之咸稱爲長
山先生云敏德族子民化倜儻好義片語解爭人皆
心服正統間歲祲出粟五百石
助賑邑令爲勒石以旌其義

陳思禮

字用和鄞人七歲而孤母石氏矢節自守夙夜
勵子以學遇之極嚴雖大雪沒脛必使挾冊以

往思禮或少解輒對之泣曰爾父爲名儒惟生一子
吾所以忍死鞠育者欲爾取法也今奈何肯之思禮
惶懼却立俟母怒稍解輒篝燈以誦不至夜分不休
及母卒思禮被髮狂號操刀欲自剄到家人奪之環守
俟旦共譬解之乃止後愈自策勵學業有成洪武六
年詔徵郡國諸生思禮與焉入太學升上舍晨夕思

母不忘以如在焉其堂衍聖公孔希學爲作隸古書之中丞劉基參政陶凱學士宋濂咸爲詩文以贈

方德初

字孟仁奉化人五世同居百口共爨子二人從姪十一人以其資產均分之嘗於凶年爲粥以

施貧者道拾遺金俟其人至還之鄰人鄭氏者以貧鬻女爲人婢初爲代贖自奉甚菲而性樂施予與弟

德全俱爲賓飲者二十年

夏道昌

世居鄞城月湖以漁爲業幼孤聽母教惟謹既長而漁擇魚之巨者奉母餘以供薪米之費耶

寒暑雨未嘗廢業母性嗜茶家貧不能多蓄日以羨餘易之母得瘡疾申時必大作非沸湯沃之弗止道昌出必申歸以供湯沐無後時者鄞俗上元則燒燈以祈歲季秋則賽神以報歲道昌至時必奉母出遊母倦行則輒負進母或不便意輒其背出血卽長跪所請怒解復負之行一日漁於新庄之河得巨鱗里人厚與之直堅弗與里人怒毆之他老人怪而問故答曰歸以奉母老人禮而遣之由是名益著尚寶袁